

یوحنا ینگ اؤ چونجو نامه سی

۱

۱ من شیخدن،

عزیز گایوسا کی بئلسینی حقیقتده چوخ سئیرم.

۲ عزیزیم، دُعا ائدیتم کی واری لحاظدان خوش اولانگ و صاغ لیگدا اولانگ، ائله اوله یین کی جانینگ ایچی دا خوش دور. ۳ بو سبریه کی اوندان کی کاکالار گلدیلر و گواهلینگ وئردیلر کی سن حقیقتده وفالی ینگ ائله اوله یین کی گرچکدن ده حقیقتده زندلیگ ائدییرینگ، چوخ خوشحال اولدوم. ۴ هئچنه منی بوندان آرتیق خوشحال ائدمئیر کی ائشیدم اولادلاریم حقیقتده زندلیگ ائدییرلر.

۵ عزیزیم، سن واری ایشلرینگده کی بو کاکالار ایچی گورورینگ، اؤز وفالی لیگینکی گورسدیرینگ، علی الخصوص دا بو کی بوللار سنینگ ایچی اؤزگه دیرلار. ۶ اوللار ده کلیسا آداملارینینگ حضوروندا سنینگ مُحبتینگه گواهلینگ وئردیلر؛ پس خوب ایش گوره زینگ اگر اوللاری بیر رقم کی تارئ شآنینده اول، یوللایانگ سَفره. ۷ چونکی اوللار او آد سبرسینه یولا دؤشموشلار و غیره یهودی لاردان هئچ کؤمک آلمامیشلار. ۸ پس بیز دا بئله یین آداملارا کؤمک ائدسیک تا اوللار اینان حقیقتی ایلری آپارماکدا همکارلیگ ائدمیش اولاک.

۹ کلیسایا بیر گپ یازمیشام، آما دیوئرفیس کی خوشو گلیر اؤزونو اؤل قویا، بیزیم ائتداریمیزی هئچ ساییر. ۱۰ پس اگر گلم، او ائدن ایش لری سو ایزینه چیخارتارام. بو سبریه کی غرض اینن بیزیم ضدیمیزه، پئس پئس گپ لر چالیر. ائله بونا ده قانع اولمامیش، بو آدام، کاکالاری اؤز یانینا یئوادمئیر؛ و او آداملاری دا کی سئیرلر کاکالاری یئوودالار، منع ائدیر و اوللاری کلیسادان چیخارتیر یازیا.

۱۱ عزیزیم، پیس لیگی اؤزونگ ایچی سَرمشق ائدمه، بلکی خوبلیگدان درس آل؛ خوبلیگ ائدن آدام تارئان دیر، پیس لیگ ائدن آدام تارئای گورمه میس. ۱۲ واری گس دیمتریوس باره سینده خوب گواھلیگ وئرمیشلر، حتی حقیقتینگ اؤزو. بیز ده بئله یین گواھلیگ وئریک و بیلیرینگ کی بیزیم گواھلیگیمیز گرچک دیر.

۱۳ چوخ زادلار واریم کی سنه یازام، آما سئمئیرم قلم و جوهر اینن اولا. ۱۴ امید واریم کی بو تئزلیگده سنی گؤرم و قرشی به قرشی دانیشاک.

۱۵ سلامت اول!

یولداشلار بئلینگه سلام ائتیردیرلر. اؤرداکی یولداشلارا تک به تک سلام ائتیرد.

